

Francette Comier

Koulè bo lapot kay mwen

Poésie créole



An ti mango bassignac

An ti mango bassignac koulé bô djôl mwen

Ou ka santiy an ti mannyès fluide

Ka Karésé toùt orifice ou

Koulé jôn li ka lésér ababa

Lodèy ka bat bô nenw

Ka rann ou soud épi rhum là

Ti lapoy taché ka baw anvi

An gran lanvi goutéy

Epi salivéy

Mango bassignac la bon tèlman

Ke ou ka rimandé

An sak pa ka sufir

Ki koté libélil la pran

Mè ki koté libélil la pran

I té ka frapé bô lapôt kay nou

Tou lé jou bondyé té ka fè

I té ka vôle douvanw san di ayen

I té ka surprann ou an sel kou

Et té ka bat zèl li

An bèl ti libélil té ka anchanté an jounen

Lè ou té ka wèy i té ka fèw koukou a tou lé kou

Et i té ka émervéyéw

Mwen ka mandé an lot libélil

Vini kon avan dansé douvan zié mwen

Pou mwen inminy kon ti manmay enkô

An limiè zétwel

Asou tôle la kou gran manman mwen
Nou té ka jwé volley ball
Lannuit bat nou de plain fouè

Mwen désann la kou a douvan chimen ya
Ka kontanplé tou sa ki té pé fè jwa mwen
Et an limiè zétwèl surprann mwen

I té li yon té ka cléré syel la
Mwen mété mwen a ripasé lison mwen
Ka konté zétwèl an mitany

I té ka briyé an mannyès étinselan
Ou sé di ki I té ka di mwen an lo bagay
Mwen gadé alantouy i té ni dôt zétwèl ki té ka bay lamen

Mi bel lannuit mwen té ka pasé ya
Mwen té ka révé di an lôl lannuit kon tala
Mè pa mwen yon fwa ta la

An lannuit a dé
An koulè lannuit

Mangous la an lariya

Mwen wè mangous la
I té ka chèché manjé ou sé di
I travèsé lariya an sel kou
I rété ka gadé tou patou
Mwen kwè I konprann I té li yon
I pose kôy an moman
I rantré an zèb la ka séré
I viré sôti ét kouri lôt koté ya
Ka fè va ét vyen
Mangous la pli malen ki an rena
I ni an ti koulé maron ki ka apwroshé di koulè gri ya
Et ka manjé poul
An jou i trapé yon kité garé kôy
Et alé séré an zèb la
Dépi jou ta la mwen pa wè dô
Ou ka wè yon tou lè kàt jédi

An kolibri garé koy

Mi bèl kolibri vè nwè ét rouj
I ka bitiné flèya ki tou pwé mwen
Premiè foi mwen wè yon dosi pwé

Dhabitid i ka volé lwen
Et mwen ka gadéy san di ayen
Ka obsèvéy san fè an bwi

Bek li long kôy alonjé ét i pa gwo
Toùt koulèy ka éklaté de boté
Telman i bèl

I ka bwè yin ki bèl flè kon li mèm
Jou ta la kolibri ta la garé kôy
Pouy vini osi pwé mwen

Mè kan mèm ni bèl bagay an lè latè mwen ka twouvé

Mangous épi sèpan ka fenté

An konba pran ant mangous épi sèpan
Ki lès ki ké ginyin mangous la ou sépan a
Yo piès pa lé pèd

Si mangous la pran sèpan a i ka tjwéy
Si sèpan a pitjé mangous la i mô
An tou lé ka sa ka diré lontan

Mangous épi sèpan ka fenté
Et nou ka gadé sa épi ferveuw
Jiskas se ki ni yon ki sédé

Finalman mangous la ka fouté likan
Et nou nou désu
Nou té lé sèpan a mô kan mèm pasé i pitjé nou

An papiyon lannuit pwan sonmèy

An jou maten nou lévé bônè
Nou ka lévé zié nou
An papiyon lannuit pwan sonmèy an kay la
I té gwochè lanmen mwen et nwè
Mwen ka asiré zòt ki i paté bèl
Pé tèt pas ke I té ka dòmi
O lié nou kitéy kon sa nou lévéy
I météy ka vòlé an lè toùt véranda a
Et la nou wè toùt bôtéy
I té koulè lannuit la
Nwè fonsé et nwè pli clè
I té telman bèl ke nou pa té lé léséy pati
Mè I pati kanmèm papiyon di lannuit nou
Nou rigrétéy an pil
Nou té sur ke nou pa té ké wè an lòt kon sa ankò

An ti koulè sitwon vè

Pié bwa a ka monté wo
Nou pé ké tjwéy i ka pôté byen
Gadé sé sitwon a

Mwen ka palé bay ka kajoléy
Et I ka konprann mwen
Pani piès pjé bwa pli intèlijan

I rété konbyen lanné ka chajé
Jôdi ou sé di ki I lé kité mwen
Fok mwen viré otjipé mwen diy

Gadé pié sitwon a i ka viré pôté
Foût sé sitwon a bèl
Es I ké rété konbyen lanné enkô

Manman mwen ka palé bay
Et I chajé sitwon pjé bwa a
I palé pjé bwa a mô sé toût laviy

Si i ni an lô t i ka mété lanné pouy ripousé